



UGOVOR

o izvođenju građevinsko zanatskih radova na rekonstrukciji dijela objekta Općine Vogošća namjenjenog za Centar za kupce

KJKP Sarajevogas d.o.o., Sarajevo, ul. Trg Fadile Odžaković Žute br. 4, Sarajevo
Koga zastupa: Direktor Preduzeća Mr.sc. Nihada Glamoč, dipl.ing.maš., (u daljem tekstu: Naručilac)

i
DEBOS d.o.o.o., Društvo za građevinsko-zanatske radove i inženjering, Sarajevo, Ul. Hamze Čelenke br. 5,
Koga zastupa: Direktor, Isaković Adis, (u daljem tekstu: Izvođač)

Član 1.

Predmet ovog Ugovora je izvođenje građevinsko zanatskih radova na rekonstrukciji dijela objekta Općine Vogošća namjenjenog za Centar za kupce po provedenom konkurentskom nadmetanju broj KN-05-26/18. Izvođač radova je dostavio ponudu prema specifikaciji Naručioca broj SF-OJ04-KN-05-26/18 (ANEX III) koja je priložena ovom ugovoru i predstavlja njegov sastavni dio.

Član 2.

Ugovorna vrijednost radova iz člana 1. ovog ugovora iznosi: **46.501,36KM** (slovima: četrdesetšesthiljadpetstotinajedan i 36/100 KM) bez PDV-a. Jedinične cijene iz obrazca za cijenu ponude (ANEX III) su fiksne za vrijeme trajanja ovog ugovora.

Član 3.

Izvođač radova će radove iz člana 1. izvršavati kvalitetno, po važećim Zakonima, pravilima građevinsko-tehničke i mašinske struke kao i prema propisanim tehničkim uslovima koji su definisani Glavnim projektom. Izvođač radova će sve radove završiti u roku od 30 (trideset) dana nakon potpisivanja ovog ugovora i uvođenja u posao.

Član 4.

Obaveza izvođača radova je da:

- otpočne sa radovima nakon obostranog potpisivanja Ugovora,
- vodi građevinski dnevnik za izvršene građevinske radove kao i građevinsku knjigu,
- dostavi ateste ugrađenog materijala,
- dostavi izjavu da su radovi izvedeni kvalitetno u skladu sa građevinskim propisima koji regulišu ovu oblast,
- dostavi zapisnik o primopredaji atestne i tehničke dokumentacije za ugrađeni materijal i opremu,
- dostavi izjavu da su radovi izvedeni prema glavnom projektu,
- snosi eventualne troškove sanacije oštećenja tuđih instalacija.

Član 5.

Obaveza Naručioca je da po potpisivanju ugovora imenuje nadzorni organ.

Član 6.

Izvođač radova će obračun izvršenih radova vršiti po jediničnim cijenama iz priloga ovog Ugovora. Naručilac će plaćanje izvršenih radova izvršiti u roku od 30 (trideset) dana po ispostavljanju situacije, odnosno prijemu uredno ispostavljene poreski ispravne fakture na transakcijski račun Izvođača naveden na fakturi.

U prilogu fakture neophodno je dostaviti:

- obračun sa količinama i jediničnim cijenama ovjeren od strane nadzornog organa Naručioca,
- obračun eventualnih naknadnih i dodatnih radova ovjeren od nadzornog organa Naručioca,

Konačna vrijednost izvedenih radova biće utvrđena na osnovu stvarno izvedenih radova ovjerena od strane nadzornog organa.

Član 7.

Naručilac i Izvođač radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se



slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 8.

Izvođač radova nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Naručioca.

Član 9.

Za sve izvršene radove Izvođač radova daje garanciju na kvalitet izvršenih radova na period od 2 (dvije) godine.

Član 10.

Ukoliko Naručilac u ugovornom roku iz člana 6. ovog ugovora ne plati cijenu za izvršene radove obavezan je Izvođaču radova isplatiti i zateznu kamatu u skladu sa zakonom i drugim propisima koji uređuju ovaj institut. U koliko izvođač u ugovorenom roku iz Člana 3. ovog ugovora ne izvrši sve radove Naručilac će za svaki dan kašnjenja zaračunati penale u iznosu od 1% s tim da ukupan iznos penala ne može biti veći od 5% ukupne vrijednosti ugovora.

Član 11.

Ovaj ugovor se zaključuje na period od potpisivanja ugovora i uvođenja u posao pa do njegovog izvršenja ali ne duže od 1 (jedne) godine. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da Izvođač radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.


Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Izvođača:

Direktor,

Broj ugovora,



Za Naručioca:

Direktor Preduzeća

Mr. sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora,

211/18

19-09-2018